



## بِسْمِ اللَّهِ الرَّحْمَنِ الرَّحِيمِ

الحمد لله وسلام على عباده الذين اصطفى اما بعد غواصر  
بحار فنون علوم فاضل علامه ديار روم شيخ الاسلام  
والمسلمين اسعد بن اسمعيل مرحوم تاليف ايلديكي تفسير  
يس شريفه انما امره اذا اراد شيئا ان يقول له كن فيكون  
قول شريفنده كن كلمه سى مسائل مختلف فيها دندر  
بروجه اجمال توضيحي بودر كه امام ابي منصور ماتريدي  
رحمة الله عليه ايله شيخ ابي الحسن الاشعري بينلرنده  
اعتقاد انه متعلقه اولان مسائلدن فرق مسئله ده اختلاف  
وارد رجمله دن برى خلق اشيا ده اولان اختلاف فلر بيدر  
برى ماتريدي اشيا نك وجودى باري تعالى نك تكيون  
وايجادى ايله اولوب كن كلمه سنه تعلق يوقد رايته مذكوره  
اولان كلمه كن سرعت ايجاد دن مجاز در درلر تفصيلي علامه الله  
سمرقندي شرح تاويلاننده بيان اتمشدر لکن اشعري

كلمه كن اشبا ايجاد اتمكده لا بذر ديوب ايت كرميه نك  
ظاهرينه نظرايلر بونك دخي تفصيلي شرح تاويلاننده وتلو بجه  
بيان اولمشدر ايجني مسئله صفت تكوينده اولان  
اختلافلر بيدر ماتريدي صفت ازليه در و ذات باري ايله  
قائم در درلر تفصيلي شرح عتائنده مبيندر لکن اشعري  
تكوين امر اعتبار بيدر مؤثر ك اثره نسبندن حاصلدر ديوب  
صفت حقيقيه اولمسنى انكار ايتديلر تفصيلي مواقف  
ومقاصده ده بيان اولمشدر اوجني مسئله واجب  
بالذاتده اختلافلر بيدر ماتريدي واجب بالذات شوك  
ذات شريفدر كه بذاته قائم متحقق اولوب اصلانده غيرك  
مدخل اولما مشدر وقابلت عدمدن منزهدر ديدي  
تفصيلي صدر علامه تقدير علومنده بيان اتمشدر لکن  
اشعري واجب بالذات ذات شريفى وجودنى مقتضى  
و ذات وجودنه علت تامه اولان ذات در ديدي تفصيلي  
شريف علامه شرح مواقفه ده بيان اتمشدر در دنجي  
مسئله وجوبده اختلافلر بيدر ماتريدي وجوب امر  
وجودى و ذات شريفك عينيدر ديدي تفصيلي امام  
رازي اربعيننده بيان اتمشدر لکن اشعري وجوب امر  
اعتبارى اولوب خارجه موجود دكلدر ديدي تفصيلي  
بيضاوى طوالعنده بيان اتمشدر بيشني مسئله وجود  
بارى تعالى اختلافلر بيدر ماتريدي وجود شريفك عينيدر  
لکن اشعري دخي عينيه ذاهب اولمشدر زائنده سنه ذاهب  
اولمشدر كه تفصيلي شرح مواقفه و شرح تجريدده بيان



اولمیشدر \* الشیخی مسئله بقاده اختلا فلریدر که ما تریدی  
وجود مستردن عبارت اولمغله ذات اوزره زائد دکلدر  
دیدى عقیده طحاویده بیان اولمیشدر \* یدنجی مسئله  
صفت قدرنده اولان اختلا فلریدر ما تریدی صفت قدر  
ایله اثرک صدوری و ترک صحیح در معدومات ممکنه یه  
قدرت وارد لکن تکون یوقدر دیدى تفصیلی صدر علو  
تقدیل علومده بیان اتمشدر لکن اشعری صفت تکون  
اثبات اتماکله قدرت البنده موثره در دیوب قدرتی  
تأثیردن تجریده رضا ویرمیشدر تفصیلی علامه تقنازانی  
شرح عقائده بیان اتمشدر \* سکرنجی مسئله صفت  
اراده ده اختلا فلریدر که ما تریدی اراده رضا و محبتدن  
اتم اولمغله رضای و محبتی اقضا اتمزواراده رضا و محبتک  
عینی هیچ اولماز دیدى تفصیلی ابن همام مسایرده بیات  
اتمیشدر لکن اشعری اراده و رضا و محبت اوجی متحد المعنی  
امور قبیحه فی باری تعالی خلق ایندکده ذات شریفه نسبق  
حیثیندن مراد و مرضیدر نقدر اول امور قبیحه داننده  
قبیحه اولمغله باری تعالی نک مرضیسی دکل ایسه ده دیدک  
تفصیلی شرح موافقه بیان \* طقوزنجی مسئله صفت  
سمع و بصرده اختلا فلریدر ما تریدی سمع و بصر موجود  
ذات بیننده مسموعه و مبصرانه تعلق ایدر انحق صحیح دکلدر  
دیدى امام صابونی کهایه سنده بیان اتمشدر لکن  
اشعری سمع و بصر هریر موجوده تعلق صحیح اولوب  
مبصرات صفت سمعه مسموعات صفت بصره انکشافی

تجوین ایلدی تفصیلی ابن همام مسایرده بیان اتمشدر \*  
اوننجی مسئله صفت کلامده اختلا فلریدر ما تریدی  
الله تعالی بلا کیفیت قول اظهار ایلوب انک ایله مراد ایلدی  
کسه فی ذات شقی ایله قائم اولان کلام ازلی یه مطلع قلمشدر  
دیدى تفصیلی عقیده فی طحاویده بیان اولمیشدر لکن اشعری  
کلام امر واحد در دیوب ائمه اشعریه کیفیت وحدتده  
اختلاف ایلدیلر بعضیلر وحدت شخصیه ایله واحد در  
دیدیلر بعضیلر وحدت نوعیه ایله واحد در و خیر نوعیدر  
انشاد کلدردیدیلر ابهری شرح مختصر منتهی ده بیان اتمشدر  
\* اون برنجی مسئله کلام نفسیده اختلا فلریدر ما تریدی  
کلام نفسی مسموع دکلدر دیدى تفصیلی مسایرده و اشارات  
مرامده بیانی اولمیشدر لکن اشعری مسموع در مسموع  
علیه السلامک مسموعی کلام نفسی ایدی دیدى تفصیلی  
مسایرده بیان اولمیشدر \* اون ایکنجی مسئله اسما  
اختلا فلریدر ما تریدی اسم مستمانک بحسب الخارج عینیدر  
دیدى تفصیلی تقدیل علومده بیان اولمیشدر لکن اشعری  
الله اسمی مستمانک عیندر رزاق و خالق کبی اسما مستمانک  
غیریدر و علم و قدیر کبی اسما مستمانک عینی و غیرى دکلدر  
دیدى تفصیلی موافقه بیان اولمیشدر \* اون اوچنجی مسئله  
قضا و قدرده اختلا فلریدر ما تریدی قدر الله تعالی ازله  
اشیاء لایزالیه فی اوصاف ایله و انلری احاطه ایدن زمان  
و مکان ایله تجدد و تغییر اتمشدر و قضا زیاده احکامه  
مقرون اولان فعل باریدر دیدى تفصیلی امام لقانی شرح جوهر



بیان نمشد لکن اشعری قضا الله تعالى نك اراده ازلیه سید که  
موجوداتك ترتیب مخصوص اوزره اولسنی اول اراده  
مقضیه در وقت اول اراده موجودات اوقات مخصوصه  
یونمقلغه تعلق انمسیدر دیدی تفصیلنی شرح مواقف  
بیان نمشد در \* اون دردنی مسئله متشابهانده اختلافی  
ما تریدی در یکجی و وجه کی معلوم الاصل و مجهول الوصف  
اولمغله و صفی ادر اکن عاجز اولمغله اصلنی ابطال التیوز  
باری تعالی ده صفت در دیوتا و یله رضا و یرمدی تفصیلی  
عقیده طحا ویده بیان اولنمشد لکن اشعری ید قدرت  
و وجه ذات ایله تا و یله ذاهب اولدی تفصیلی مواقفده بیان  
اولنمشد در \* اون بشنی مسئله توفیقده اختلافی یریدر  
ما تریدی توفیق خلق قدرت علی الطاعة در دیدی تفصیلی  
مواقفده بیان اولنمشد در \* اون النبی مسئله تکلیف  
مالایطاقده اختلافی یریدر ما تریدی الله تعالی دن بزره تکلیف  
مالایطاق اتمک جائز دکلدر دیدی تفصیلی امام نسفی عمده  
بیان نمشد لکن اشعری تجویزایدوب کفار ایمان ایله تکلیف  
یوقبیلدند در یمش تفصیلی مواقفده و مسایره ده بیان اولنمشد  
\* اون یدنی مسئله افعال الله حکمک لزومنده اختلافی یریدر  
ما تریدی دیر الله تعالی نك هر بر فعلی اوزره وجوب طریق  
اوزره دکل البتده حکمت ترتب ایدر انفاکی ممتنع در دیدی  
تفصیلی تقدیل علومده بیان اولنمشد لکن اشعری حکمت  
افعال باری اوزره ترتب اتمک علی سبیل الجواز در دیدی  
تفصیلی جوهر نك شرح کبیری بیان نمشد در \* اون سکر نی

مسئله حکنده اختلافی یریدر ما تریدی حکمت اتقان عمل  
معناسنه صفت ازلیه دیدی لکن اشعری صفت ازلیه دکل  
دیدی تفصیلی عمده ده واعتماده و شرح طحا ویده بیان  
اولنمشد در \* اون طقوز نی مسئله خلف الوعیده اختلافی یریدر  
ما تریدی عقلاً قیچدر باری تعالی قیچ اولانی اشلر دیدی  
لکن اشعری باری تعالی نك فعلی قیچ ایله اتصاف ایتزدیوب  
فعل مزبور کندیدن صهادرا ولایدی قیچ اولنزدی دیدی  
تفصیلی تقدیل علومده و عمده ده و مسایره ده بیان اولنمشد  
\* یکر نی مسئله فعل باری نك قیچ ایله اتصافدن اختلافی یریدر  
اهل ایمانی جهمده مخلص و اهل کفری جهمده قلمق کی ما تریدی  
عقلاً قیچدر باری تعالی قیچ اولانی اشلر دیدی لکن اشعری  
باری تعالی نك فعلی قیچ ایله ایتزدیوب فعل مزبور کندیدن  
صهادرا ولایدی قیچ اولنزدی دیدی تفصیلی بودر که تقدیل  
علومده و عمده ده و مسایره ده بیان اولنمشد در \* یکر نی  
مسئله کفری عفوده اختلافی یریدر ما تریدی عفو کفر عقلاً  
جائز دکلدر دیوتا و یلا تنده ذکر بیان ایلدی لکن اشعری  
جائز در ممنوع دکلدر دیدی تفصیلی کشف کشفده و مسایره ده  
بیان اولنمشد در \* یکر نی مسئله حسن و قبیحه اختلافی یریدر  
ما تریدی حسن و قیچ عقاید ردیوب عقل بعض شیئ حسن  
و قیچی شرع وارد اولمیان ادرال ممکن دیدی تفصیلی  
بصیره و کتایره ده بیان نمشد لکن اشعری حسن و قیچ  
شرعی در شرعه بیلنوردی دیدی تفصیلی شرح مواقفده  
بیان نمشد در \* یکر نی مسئله ایمان عقلاً واجب



اولستنده اختلاف فلریدر ما تریدی الله تعالی خلقه رسول  
 کوند ربه سیک خلق و زره واجب و لوردی الله تعالی فی  
 عقلی ایله بلیک دیدی تفصیلی حاکم الشهد منقاره بیان  
 اتمشدر لکن اشعری قبل البعث ایمان واجب و لور و کفر حرام  
 اولما زو عورت کند و به بالغ اولیان کسه لره معذور دیدی  
 تفصیلی مسایره ده بیان اتمشدر بیکرمی درد نبی مسئله  
 حقیقت ایمانده اختلاف فلریدر ما تریدی ایمان تصدیق ایله  
 اقراردن عبارت اولوب اقرار حقیقت ایمانده داخل رکندر  
 دیک لکن اشعری ایمان تصدیقدن عبارت اولوب اقرار  
 حقیقت ایمانندن خارج انک شرطیدر دیدی تحقیقی بودر که  
 اقرار رکن اولدیغی امام اعظم و اصحابی عند لرنده در و امام  
 ما تریدی اشعری کی اقرار ایمانندن خارج شرطدر دیدشدر  
 امام سرخشی فخر الاسلام بز و وینک مختار لری بودر تفصیلی  
 عقیده طحا ویده و بحر کلامده و موافقه بیان اتمشدر  
 بیکرمی بشخی مسئله ایمان زیاده و نقصان قبول اتمشدر  
 اختلاف فلریدر ما تریدی ایمان زیاده و نقصان قبول اتمز دیدی  
 تفصیلی مذکوردر بیکرمی النبی مسئله مقلدک ایمانده اختلاف  
 در که ما تریدی مقلدک ایمانی صحیحدر لکن استدلالی ترک  
 اتمکله اتمدی دیدی تفصیلی عمده و اعتمادده بیان اولمشدر  
 لکن اشعری مقلدک ایمانی صحیح دیدی بیکرمی یدنبی مسئله  
 دلائل نقلیه نک قطع افاده اتمده سنده اختلاف فلریدر  
 ما تریدی ادله نقلیه دن بعضی سی قطع و جز ما افاده ایدر  
 تفصیلی فصول بدایعده بیان اتمشدر لکن اشعری ادله نقلیه

ظن افاده ایدر قطع افاده اتمز دیدی تفصیلی شرح موافقه  
 بیان اتمشدر بیکرمی سکر نبی مسئله ایمانک مخلوق اولستنده  
 اختلاف فلریدر ما تریدی ایمان مخلوق دکلدرد دیدی تفصیلی تعدیل  
 بقدر بل عالمده بیان اولمشدر لکن اشعری ایمان مخلوقدر  
 دیدی تفصیلی شرح مقاصدده بیان اتمشدر بیکرمی حقوق نبی  
 مسئله ایمان اسلام وحدتنده اختلاف فلریدر ما تریدی ایمان  
 اسلام برورد دیدی تفصیلی تا ویلانده بیان اتمشدر لکن  
 اشعری ایمان اسلام بر برینه مغایر درورد دیدی شرح عقاید  
 تفصیلی بیان اتمشدر او توز نبی مسئله ایمان اعتبارده  
 اختلاف فلریدر ما تریدی ایمان اعتبار حاله در نیکم کفر اعتبار حاله  
 در دیدی تفصیلی عمده ده مذکوردر لکن اشعری ایمانده اعتبار  
 اعتبار خاتمه به در حتی برادر ایمان الله ختم اولاندن اولسه  
 حال ایمانده دخی کافر در دیدی اما ما تریدی خاتمه نظر اتمیوب  
 حالا ایمان کند یدر بولمنین کافر در دیدی تفصیلی عمده و شرح  
 قدیمده بیان اتمشدر او توز نبی مسئله سعادت ایله  
 شقا و تده اختلاف فلریدر ما تریدی سعید اولان شقی اولور  
 و شقی اولان سعید اولور دیدی تفصیلی جوهر شرحنده  
 بیان اتمشدر او توز ایکی مسئله ایمان استناد اختلاف فلریدر  
 ما تریدی بن مؤمن ان شاء الله دیکلکی تجویز اتمیوب بوا ایمانده  
 شکر در دیدی لکن اشعری تجویز ایدوب خاتمه به ارجاع ایلدی  
 تفصیلی عمده بیان اولمشدر او توز اوچنی مسئله پیغمبر  
 اخرته انتقال ایند کلر تده بنو نلرینک بقا سنده اختلاف فلریدر  
 ما تریدی بنو نلری باقیدر دیدی لکن اشعری عرض زماننده باقی



اولما ز دیوب نبوتلرینک بقاسی یوقدر لکن حکم بقاده در  
دیددی تفصیلنی ابومعین بحر کلامنده بیان اتمشدر. اوتوز  
در دنجی مسئله ذکورت نبونده لازما ولمسند اخلاقلر  
ما تریدی ذکورت شرطدر لکن اشعری شرط دکلدر  
نسوانک نبونی صحیحدر دیددی تفصیلنی اشارات مرآمده  
بیان اتمشدر. اوتوز بيشنجی مسئله بشرایله ملائکه  
تفضیلنده اخلاقلریدر ما تریدی عوام بشر عوام ملائکه  
افضلدر دیددی تفصیلنی شرح جوهرده بیان اتمشدر  
اوتوز النجی مسئله قدره حقیقیته ده اخلاقلریدر  
ما تریدی قدرت واحده ضدینه قائله در دیددی لکن  
اشعری قائل دکلدر بلکه ضدینک هریری ایچون بشقه قدر  
وارد در دیددی تفصیلنی شرح موافقه و عده نک شرحنده  
بیان اتمشدر. اوتوز دنجی مسئله تاثیر قدرت اخلاقلر  
ما تریدی اصل فعل باری تعالی نک قدرنی ایله درو فعلک  
طاعت یا معصیت اولسی قدرت عبدایله در دیوب  
قدرت عبده تاثیر اثبات ایتدی لکن اشعری افعال عباد  
انجی قدرت الله ایله در دیوب قدرت عبده تاثیر  
یوقدر دیددی تفصیلنی شرح موافقه بیان اتمشدر.  
اوتوز سکنجی مسئله ایقاعده اخلاقلریدر ما تریدی  
ایقاع حالدر موجود و معدوم دکلدر دیددی لکن اشعری  
معدوم محضدر دیددی تفصیلنی فصول بدایعده بیان  
اتمشدر. اوتوز طقوزنجی اعمال صالحه ارندا ایله باطله  
اولوب بعدالاسلام عودت ائمه سنده اخلاقلریدر

بعدالاسلام مرتدک اعمال صالحه سی عودت اتمز دیددی  
لکن اشعری عودت ایدر دیددی تفصیلنی صدر علامه توضیحنده  
بیان اتمشدر. قریقجی مسئله کفار فروع شرعیه فی سبک  
ایتدوکنده معذب اولمه لرنده اخلاقلریدر ما تریدی  
کفر لرندن زیاده معذب اولما ز لر دیددی لکن اشعری ترک  
عبادت ایتدکلرندن اوتوری کفر لرندن زیاده عقوبت اولنور  
دیددی تفصیلنی امام سرحشی اصولنده وسعد الدین  
تلو یچنده بیان اتمشدر. ومعلوم اولسونکه امام  
ما تریدی و امام اشعری هریری دعوالرینه دلیل کفور  
وهریرینک دلیل لرینه اولان سوال وجواب ذکر اولتات  
ماخذ لرده تفصیلاً ذکر بیان اولنمشدر مراد ایلین اخوان  
اول کابلره مراجعت ایلسون بومقامده مقصود اولان  
انجی مسائل معدوده اجمالاً بیان اولمقله بومقدار ایله  
اکفنا اولندی و صلی الله علی سیدنا محمد وعلی اله  
وصحبه اجمعین والحمد لله رب العالمین